



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

NOVEMBA 2021

AMAMAKI: 100

ISIKHATHI: Amahora ama-2½

Leli phepha linamakhasi ayi-7.

IMIYALELO KWABAHLOLWAYO

- Leli phepha lehlukaniwe IZIQEPHU EZINTATHU:
ISIQEPHU A: Indaba (50)
ISIQEPHU B: Imibhalo emide edlulisa imiyalezo (30)
ISIQEPHU C: Imibhalo emifishane edlulisa imiyalezo (20)
- Phendula umbuzo OWODWA esiqeshini NGASINYE.
- Bhala ngolimi ohlolwa ngalo.
- Qala umbuzo NGAMUNYE ekhasini ELISHA.
- Hlela umsebenzi wakho ngamaphuzu (uhlaka) noma ngebalazwe (mind map), ulungise amaphutha bese uyawufundisisa. Uhlelo/uhlaka MALWANDULELE umbhalo ngamunye.
- Ukuhlela makukhonjiswe ngokubhala igama elithi uhlelo/uhlaka bese kuyethulwa. Kuyancomeka ukuba kudwetshwe umugqa phezu kwemisebenzi yonke yokuhlela.
- Uyayalwa ukuba usebenzise isikhathi sokubhala ngale ndlela elandelayo:
ISIQEPHU A: Amaminithi angama-80
ISIQEPHU B: Amaminithi angama-40
ISIQEPHU C: Amaminithi angama-30
- Bhala izinombolo zezimpendulo ngendlela ezihlelwe ngayo kuleli phepha.
- Nikeza impendulo NGAYINYE isihloko esifanele.
- UNGAZIBALI izihloko nezihlokwana lapho usubala inani lamagama omsebenzi wakho.
- Bhala ngobunono nangesandla esifundekayo.

ISIQEPHU A: INDABA

UMBUZO 1

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240.

QAPHELA: Bhala uhlaka lwendaba yakho lube sekhasini lwalo lodwa.

- 1.1 Usizo Engalunikwa Umuntu Engangingamethembi. [50]
- 1.2 Izinto Engizithanda Kakhulu Ngomngani Wami. [50]
- 1.3 Angikholwa Ukuthi Yimi Lo Osekuleli Zinga. [50]
- 1.4 Ubuhle Nobubi Bokungabibikho Kwezemidlalo Ezikoleni. [50]
- 1.5 Kungcono Yini Ukufunda *Online* Kunokufunda Usekilasini? [50]
- 1.6 Bukisisa lezi zithombe ezilandelayo bese ukhetha ESISODWA ubhale ngaso indaba. Nika indaba yakho isihloko.

1.6.1



[Sicashunwe ku-www.google.com]

[50]

1.6.2



[Sicashunwe ku-[wwwgoogle.com](http://www.google.com)]

[50]

1.6.3



[Sicashunwe ku-[wwwgoogle.com](http://www.google.com)]

[50]

AMAMAKI ESIQEPHU A:

50

ISIQEPHU B: IMIBHALO EMIDE EDLULISA IMIYALEZO

UMBUZO 2

Khetha isihloko ESISODWA kwezilandelayo ubhale ngaso kube ngamagama angama-80 kuya kwayi-100.

2.1 INCWADI YAKOMKHULU/ESEMTHEHWENI

Ngenkathi uyolanda umazisi (ID) wakho omusha eMnyangweni wezaseKhaya endaweni yangakini, ubone izinguquko eziningi ezinhle mayelana nokuphathwa kwabantu kanye nomsebenzi.

Bhala **incwadi** eya **kuMhleli** wephephandaba iMalibongwe, uncome/utuse abasebenzi bakulesi sikhungo. [30]

2.2 UMLANDO NGOMUFI

Ugogo wakho obeqeda iminyaka engama-70 ushone emva kokugula isikhathi eside. Umndeni ukecele ukuba ubhale umlando ozofundwa ngosuku lomngcwabo.

Bhala **umlando** ngomufi. [30]

2.3 INKULUMO-MPENDULWANO/INGXOXO

Umzala wakho ohluphayo, uyahamba uyofunda enyuvesi yaseKapa. Wena ucele ukumkhipha niyodla idina ukuze uxoxe naye ngaphambi kokuthi aye enyuvesi.

Bhala **inkulumo-mpendulwano/ingxoxo** ephakathi kwakho nomzala wakho. [30]

AMAMAKI ESIQEPHU B: 30

ISIQEPHU C: IMIBHALO EMIFISHANE EDLULISA IMIYALEZO

UMBUZO 3

Khetha isihloko ESISODWA ubhale ngaso kube ngamagama angama-60 kuya kwangama-80.

3.1 IKHADI LESIMEMO

Abazali bakho bazobe behlanganisa iminyaka engama-20 beshadile. Nihlela umcimbi wokubamangaza (Surprise Party) ukugubha lolu suku lo mshado wabo.

Bhala **ikhadi lesimemo** elihehayo ozomema ngalo izihlobo nomakhelwane. [20]

3.2 IDAYARI


Wena ukhethwe ukuba seqenjini labagijimi abamele iNingizimu Afrika eliya eJapan.

Bhala **idayari** yezinsuku eziyi-5 ngozokwenza ngaphambi kwalolu hambo. [20]

3.3 INKOMBANDLELA

Wena uhlangane nezivakashi ezidukile ezifuna indlela eya e-No 11 Havelock Cres.

Buka lo mdwebo olandelayo **ubhale inkombandlela** ecacile abazoyisebenzisa ukusuka ku-N3 baze bayofika e-No 11 Havelock Cres.



[20]

AMAMAKI ESIQEPHU C: 20
AMAMAKI ESEWONKE: 100



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

NOVEMBA 2021

UMHLAHLANDLELA WOKUMAKA

AMAMAKI: 100

Lo mhlahlandlela wokumaka unamakhasi ayi-13.

ISIQEPHU A: UMHLAHLANDLELA WOKUMAKA IZINDABA

QAPHELA:

- Ngaso sonke isikhathi sebenzisa irubhrikhi uma umaka umbhalo wokuziqambela (Iphepha lesi-3, ISIQEPHU A).
- Amamaki ukusuka ku: 0–50 ahlukaniwe ngamazinga amahlanu ngokwezinkomba.
- Okubonwa ngakho okuqukethwe, ulimi & isitayela, inkomba ngayinye kumazinga amahlanu, ihlukaniswe izingxenye ezimbili kuye ngokwabiwa kwamamaki. Kunengxenye engenhla kanye nengezansi.
- Isakhiwo sona asithinteki ekuhlukaniseni ngokwezixenye. Ayikho ingxenye engenhla noma engezansi.

ISIQEPHU A: AMARUBHRIKHI OKUHLOLA I-ESEYI: ULIMI LOKUQALA LOKWENGEZA [AMAMAKI ANGAMA-50]

Okungabonwa ngakho		Okungavamile	Okunekhono	Okusendimeni	Okuqalisayo	Okunganelisi
OKUQUKETHWE & UKUHLELA (Izimpendolo kanye nemibono) Ukudidiyelwa kwemibono ngenhloso yokuhlela Ukuqonda inhloso, izethameli kanye nesimo AMAMAKI ANGAMA-30	Ingxenye engenhla	28–30	22–24	16–18	10–12	4–6
		-Impendolo enembayo ngaphezu kobekulindelekile -Imibono ekhaliphile, echukuluza ingqondo kanye nekhombisa ukuvuthwa komqondo -Ihleleke ngobunyoinco kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo yakheke kahle -Imibono eshaya emhlolweni nehlabahlosile enokuvuthwa komqondo -Ihleleke kahle kakhulu kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo eyanelisayo -Imibono inakho ukulandelana nokushaya emhlolweni -Ihleleke ngokusendimeni kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo ikhombisa ukungahlangani -Imibono engacacile nokungeyona eyokuzisungulela -Kukhona okukhombisa ukuhlela okuncane nokulandelana	-Impendolo enhlanhlathayo -Imibono edidayo nenganambi -Akuzwakali, kunokuphindaphinda -Akukho ukuhlela kanye nokulandelana
	Ingxenye engezansi	25–27	19–21	13–15	7–9	0–3
		-Impendolo yinhle kakhulu kepha intula izimpawu ze-eseyi enembayo -Imibono ekhombisa ukuvuthwa komqondo kanye nokukhalipha -Ikhombisa ikhono lokuhlela kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo yakheke kahle -Imibono ehambisanayo nendaba nehlabahlosile -Ihleleke kahle kakhulu kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo enembayo kodwa intula ukucacisa -Imibono iyalandelana ngokusendimeni futhi iyamukeleka -Kukhona okukhomba ukuhlela kanye nokulandelana (nokuxhumana) kubandakanya isingeniso, umzimba kanye nesiphetho	-Impendolo engashayi emhlolweni -Imibono ithanda ukuba nhlakanhlaka futhi iyadida -Ukuhlela kanye nokulandelana akukho	-Ayikho imizamo ekhombisa ukuphendula ngesihloko -Akuhambisani nesihloko futhi akufanelene -Akuqondene nesihloko futhi kuphithene

Amakhodi Okuqopha Amamaki Kulesi Sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha
- HL: Ukuhlela

Amakhodi azosetshenziswa uma kumakwa:

- QHL = 30
- LSP = 15
- SK = 05

Amakhodi azosetshenziswa uma kumakwa:

SP – (dwebela)-isipelingi esingamukelekile.

PH – uphawu lokubhala olungamukelekile.

L – (dwebela)- ulimi olungamukelekile.

// – khombisa isigaba esisha.

NK – inkathi engamukelekile.

GL – amagama awalandelani ngokufanele.

R – irejista.

KM – akwenzi umqondo.

ISIV. – isivumelwano esingavumelani.

AK – akudingekile.

^ – kunegama elingekho.

GN – igama elingcono.

/ – ukwehlukana amagama

() – ukuhlukanisa amagama

PP – ukuphindaphinda amagama

OKULINDELEKILE MAYELANA NESAKHIWO SEMIBHALO (ISIQEPHU A)

- Isingeniso: Siyaheha, siyisigaba esisodwa, singenisa indikimba.
- Umzimba: (i) Izigaba zinemiqondo ezwakalayo nenikezelanayo.
(ii) Izigaba zihleleke kahle/umqondo osekelayo.
(iii) Umbhalo nombhalo mawuhambelane nenkathi okumele ubhalwe ngayo.
- Isiphetho: (i) Siyisigaba esisodwa.
(ii) Makuvele ukuthi umbhalo usuyagoqwa noma uyasongwa.
(iii) Selungavela uvo lombhali ngalokho abhala ngakho okungaba ukuxwayisa/ukweluleka/ukuxolisa/Ukuphosa inselelo.

QAPHELA: Kweqiwa umugqa owodwa phakathi kwezigaba.

OKULINDELEKILE MAYELANA NEZIHLOKO ZEZINDABA (ISIQEPHU A)

1.1 Usizo Engalunikwa Umuntu Engangingamethembi.

- Elandisayo.

Izimpendulo zingathinta amaphuzu alandelayo:

- Bhala ngenkathi edlule.
- Kwakunini, kuphi?
- Isizathu sokungamethembi lowo muntu.
- Landisa kucace ngosizo owalunikwa umuntu ongamethembi.
- Isifundo engasithola.
- Indaba ayinamathele esihlokweni.

(Nokunye okuhambisana nesihloko.)

[50]

1.2 Izinto Engizithanda Kakhulu Ngomngani Wami.

- Echazayo.

Izimpendulo zingathinta amaphuzu alandelayo:

- Ungabhala ngenkathi exubile.
- Chaza izimpawu ezithize ngesihloko.
- Chaza izinto ozithandayo ngomngani wakho.
- Akha izithombemagama.
- Indaba ayinamathele esihlokweni.

(Nokunye okuhambisana nesihloko.)

[50]

1.3 Angikholwa Ukuthi Yimi Lo Osekuleli Zinga.

- Eningayo/Ecabangisisayo.

Izimpendulo zingathinta amaphuzu alandelayo:

- Ungabhala ngenkathi exubile.
- Isingeniso asihlaziye isihloko.
- Yeneka imibono nemizwa yakho ngesihloko.
- Chaza kucace ngokukwenze wafika kuleli zinga.
- Imiphumela oyibonayo njengoba usukuleli zinga.
- Umfundi angathatha noma yiliphi izinga (eliphansi/ eliphezulu).
- Indaba ayinamathele esihlokweni.

(Nokunye okuhambisana nesihloko.)

[50]

1.4 **Ubuhle Nobubi Bokungabibikho Kwezemidlalo Ezikoleni.**

- Eqhathanisayo.

Izimpendulo zingathinta amaphuzu alandelayo:

- Ungabhala ngenkathi exubile.
- Veza amaphuzu aqhathanisayo.

Ubuhle:

- Amaphuzu akaveze ubuhle kanye nobufakazi obesekelayo.

Ububi:

- Amaphuzu akaveze ububi kanye nobufakazi obesekelayo.

Ukuphetha: ukugoqa kanye nezincomo.

(Nokunye okuhambisana nesihloko.)

[50]

1.5 **Kungcono Yini Ukufunda *Online* Kunokufunda Usekilasini?**

- Edaza Inkani.

Izimpendulo zingathinta amaphuzu alandelayo:

- Ungabhala ngenkathi exubile.
- Isingeniso masiveze uhlangothi ohambisana nalo (ukuvumelana noma ukuphikisana).

Amaphuzu avumelana noma aphikisana nesihloko:

- Yethula amaphuzu adaza inkani.
- Isigaba nesigaba asigqamise iphuzu elihamba phambili bese unaba ngalo.

(Nokunye okuhambisana nesihloko.)

[50]

1.6

1.6.1

Isithombe

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.
Isibonelo: Ukubaluleka Kokubambisana Uma Nisebenza Njengeqembu.

QAPHELA: Amaphuzu angehluka kuye ngesihloko esibhaliwe.

[50]

Isithombe

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni
Isibonelo: Umonakalo Odalwa Ukungcola Komoya Ovela Ezimbonini.

QAPHELA: Amaphuzu angehluka kuye ngesihloko esibhaliwe.

[50]

1.6.3

Isithombe

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni
Isibonelo: Kazi lyophela Nini i-COVID-19!.

QAPHELA: Amaphuzu angehluka kuye ngesihloko esibhaliwe.

[50]

AMAMAKI ESIQEPHU A: 50

ISIQEPHU B: AMARUBHRIKI OKUHLOLA UMBHALO OMUDE ODLULISA UMYALEZO: ULIMI LOKUQALA LOKWENGEZA [AMAMAKI ANGAMA-30]

Okungabonwa ngakho	Okungavamile	Okunekhono	Okusendimeni	Okuqalisayo	Okunganelisi
<p>OKUQUKETHWE, UKUHLELA NESAKHIWO</p> <p>Impendulo kanye nemibono Ukudidiyelwa kwemibono ngenhloso yokuhlela Inhloso, izethameli, izakhiwo nezimiso kanye nesimo</p> <p>AMAMAKI AYI-18</p>	<p>15–18</p> <p>-Impendulo enembayo ngaphezu kobekulindlekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhalo -Umbhalo unamathele esihlokweni -Amasu akhombisa ukuthelelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile</p>	<p>11–14</p> <p>-Impendulo efanelekile ekhombisa ulwazi lwezimpawu zohlobo lombhalo -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana</p>	<p>8–10</p> <p>-Impendulo esendimeni ekhombisa ulwazi lwezimpawu zohlobo lombhalo -Ayinamathele kahle esihlokweni -Kunokunhlanhlatha okuncane. -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa kunamaphutha ambalwa</p>	<p>5–7</p> <p>-Impendulo esezingeni eliyisisekelo ekhombisa ulwazi lwezimpawu zohlobo lombhalo -Ukunamathela esihlokweni kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okuncane kakhulu okusekela isihloko -Usebenzise ngokunganele imithetho yesakhiwo -Kukhona okumbalwa okubalulekile</p>	<p>0–4</p> <p>-Impendulo ikhombisa ukungabi nalo ulwazi lwezimpawu zohlobo lombhalo -Umqondo ufiphele ngenxa yokunhlanhlatha okukhulu. -Imibono ayilandelani nhlobo -Ukuchaza okungenelisi okusekela isihloko -Akasebenzisanga nhlobo imithetho yesakhiwo</p>
<p>ULIMI, ISITAYELA KANYE NOKULUNGISA AMAPHUTHA</p> <p>Ithoni, irejista, isitayela, inhloso/umthelela, izethameli kanye nesimo Ukusetshenziswa kolimi kanye nezimiso Ukukhethwa kwamagama Izimpawu zokuloba kanye nesipelingi</p> <p>AMAMAKI AYI-12</p>	<p>10–12</p> <p>-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi lwakheke kahle kakhulu -Akunamaphutha nhlobo.</p>	<p>8–9</p> <p>-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi lwakheke kahle -Ulwazimagama oluhle kakhulu -Akunamaphutha amaningi</p>	<p>6–7</p> <p>-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa ohlelo -Ulwazimagama olwanele -Amaphutha awawuphazamisi umqondo.</p>	<p>4–5</p> <p>-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amaningi -Ulwazimagama olunganele -Umqondo ufiphele.</p>	<p>0–3</p> <p>-Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo uyanhlanhlatha kakhulu</p>

Amakhodi Okuqopha Amamaki Kulesi Sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

Amakhodi azosetshenziswa uma kumakwa:

- QSK = 18
- LSP = 12

OKULINDELEKILE:

2.1 INCWADI YAKOMKHULU/ESEMTHEHWENI

- Ikheli lobhalayo alibe ngasesandleni sokudla lihambe nosuku, Isib. (23 Lwezi 2021/23 Novemba 2021).
- Ikheli lobhalelwayo alibe ngasesandleni sokunxele liqale ngesikhundla.
- Obhalelwayo makabingelelwe ngokugcwele nangesizotha, Isib. Mnumzane/Nkosikazi/Nkosazane.
- Qala ngomusho oyisihloko, udwetshelwe noma ubhalwe ngosonhlamvukazi/ofeleba.
- **Esigabeni sokuqala** ohlolwayo akabhale isizathu sokubhala incwadi esincoma izinguquko ezinhle eMnyangweni wezaseKhaya.
- **Esigabeni sesibili** ohlolwayo akacacise izizathu zokuncoma izinguquko azibonile.
- **Isiphetho** masibe sifishane sikhuthaze ukuthi abasebenzi baqhubeke nokwenza kahle emsebenzini.
- Isivaleliso masikhombise isizotha: Yimina Ozithobayo
uSenzo Myeni (Mnu.)

Amagama awabe inani elifanele.

2.2 UMLANDO NGOMUFI

- Isihloko: Bhala amagama aphelele kamufi nesibongo.
- Bhala ngenkathi edlule.

Isingeniso:

- **Imininingwane ngomufi:**
 - Amagama kamufi aphelele nesibongo.
 - Usuku lokuzalwa nendawo azalelwa kuyona.
 - Abazali bakhe.
 - Usuku ahambe ngalo emhlabeni.

Umzimba:

- **Isigaba sokuqala:**
 - Imininingwane yemfundo (izikole nezikhungo, iminyaka afunda ngayo).
 - Amagalelo nezikhundla ezikhungweni zemfundo.
- **Isigaba sesibili:**
 - Imininingwane yasemsebenzini.
 - Amagalelo nezikhundla emsebenzini.
 - Aphumelele kukhona/neqhaza abelibambile emphakathini.
 - Isikhathi sakhe somhlaphansi/impesheni.
- **Isiphetho:**
 - Abashiyile emhlabeni.
 - Umusho omfushane wokumvalelisa. Isib: Hamba kahle (Isithakazelo)/gogo wethu, siyokukhumbula njalo!

Amagama awabe inani elifanele.

2.3 INKULUMO-MPENDULWANO/INGXOXO

- Bhala ngenkathi efanele.
- Isethulo (Bhala ukuthi ubani, ukhuluma nobani nokuthi bakuphi).
- Sebenzisa izimpawu ezifanele.
- Bhala amagama abakhulumayo esandleni sokunxele.
- Sebenzisa ulimi oluzwakalayo.
- **Isingeniso:** Ukubingelelana nokwazana.
- **Umzimba:** Ingxoxo ehambisana neziyalo nokukhuthaza umzala.
- **Isiphetho:** Ukugoqwa kwenkulumo bese kuvaleliswana kahle.

Amagama awabe inani elifanele.

ISIQEPHU C: AMARUBHRIKI OKUHLOLA UMBHALO OMFISHANE ODLULISA UMYALEZO: ULIMI LOKUQALA LOKWENGEZA [AMAMAKI ANGAMA-20]

Okungabonwa ngakho	Okungavamile	Okunekhono	Okusendimeni	Okuqalisayo	Okunganelisi
<p>OKUQUKETHWE, UKUHLELA NESAKHIWO</p> <p>Impendulo nemibono Ukudidiyelwa kwemibono ngenhloso yokuhlela Izimpawu/Izimiso kanye nesimo</p> <p>AMAMAKI AYI-12</p>	<p>10–12</p> <p>-Impendulo enemibono ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhalo -Umbhalo unamathele esihlokweni -Amasu akhombisa ukuthelelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile</p>	<p>8–9</p> <p>-Impendulo efanelekile ekhombisa ulwazi lwezimpawu zohlobo lombhalo -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana</p>	<p>6–7</p> <p>-Impendulo esendimeni ekhombisa ulwazi lwezimpawu zohlobo lombhalo -Ayinamathele kahle esihlokweni -Kunokunhlanhlatha okuncane -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa esinamaphutha ambalwa</p>	<p>4–5</p> <p>-Impendulo esezingeni eliyisisekelo ekhombisa ulwazi lwezimpawu zohlobo lombhalo -Ukunamathele kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okumbalwa kusekela isihloko -Usebenzise imithetho yesakhiwo ngokungafanele -Kukhona okumbalwa okubalulekile</p>	<p>0–3</p> <p>-Impendulo ikhombisa ukungabi nalo ulwazi lwezimpawu zohlobo lombhalo -Umqondo ufiphele ngenxa yokunhlanhlatha okukhulu -Imibono ayilandelani nhlobo -Ukuchaza okumbalwa okusekela isihloko -Akasebenzisanga nhlobo imithetho yesakhiwo</p>
<p>ULIMI, ISITAYELA KANYE NOKULUNGISA AMAPHUTHA</p> <p>Ithoni, irejista, isitayela, inhloso/umthelela, izethameli kanye nesimo Ukusetshenziswa kolimi kanye nezimiso Ukukhethwa kwamagama izimpawu zokuloba kanye nesipelingi</p> <p>AMAMAKI AYISI-8</p>	<p>7–8</p> <p>-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi lwakheke kahle kakhulu -Akunamaphutha nhlobo</p>	<p>5–6</p> <p>-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi lwakheke kahle -Ulwazimagama oluhle -Akunamaphutha amaningi.</p>	<p>4</p> <p>-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa -Ulwazimagama olusendimeni -Amaphutha awawuphazamisi umqondo</p>	<p>3</p> <p>-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amaningi -Ulwazimagama olunganele -Umqondo ufiphele</p>	<p>0–2</p> <p>-Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo awucacile neze</p>

Amakhodi okuqopha amamaki kulesi sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

Amakhodi azosetshenziswa uma kumakwa:

- QSK = 12
- LSP = 08

OKULINDELEKILE:

3.1 IKHADI LESIMEMO

- Isihloko masigqamise ukuthi ikhadi lesimemo lokubungaza iminyaka engama-20 yomshado wabazali bakho.
- Bhala igama lomemayo nomenywayo.
- Bhala njengomuntu wesithathu.
- Imininingwane elindelekile:
 - usuku.
 - indawo.
 - isikhathi.
 - bhala neminye imininingwane njengalokhu: indlela yokugqoka, igama nenombolo yocingo yomuntu othintwayo nokunye.
- Okuqukethwe makunamathele emyalelweni.

Amagama awabe inani elifanele.

[20]

3.2 IDAYARI

- Bhala usuku kanye nelanga.
- Bhala ngenkathi efanele.
- Bhala njengomuntu wokuqala.
- Bhala ngemisho ephелеle.
- Sebenzisa ulimi olukhululekile.
- Okuqukethwe makunamathele emyalelweni.

Amagama awabe inani elifanele.

[20]

3.3 INKOMBANDLELA

- Bhala ngamaphuzu.
- Bhala imiyalelo ngokulandela imicibisholo njengoba injalo.
- Bhala izindawo ezigqamile kanye nezimpawu ezitholakala endleleni.
- Nikeza ubude bebanga (akuphoqelekile).
- Sebenzisa ulimi oluphoqayo.
- Ulimi aluhambisane nemiyalelo.
- Sebenzisa imisho ecacile nenembayo.
- Okuqukethwe makunamathele emyalelweni.

Amagama awabe inani elifanele.

[20]

AMAMAKI ESIQEPHU C: 20
AMAMAKI ESEWONKE: 100